

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

R J E Š E N j E

**po Prijavi namjere koncentracije privrednih subjekata Intesa Sanpaolo S.p.A., Torino, Italija,
Reno De Medici S.p.A., Milano, Italija i Manucor S.p.A., Milano, Italija**

**Sarajevo
Novembar, 2009. godine**



Broj: 01-02-26-026-13-II/09
Sarajevo, 10. 11. 2009. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po zajedničkoj Prijavi namjere koncentracije privrednih subjekata Intesa Sanpaolo S.p.A., Piazza San Carlo 156, 10121 Torino, Italija, Reno De Medici S.p.A., Via Durini 16/18, 20122 Milano, Italija i privrednog subjekta Manucor S.p.A., Via Brera 16, 20021 Milano, Italija podnesenoj od strane advokata Branka Marića, Mehmeda Spahe 26, 71000 Sarajevo, Bosna i Hercegovina, zaprimljenoj dana 07.08.2009. godine pod brojem: 01-02-26-026-II/09, Konkurencijsko vijeće, na 97. (devedesetsedmoj) sjednici održanoj dana 10.11.2009. godine, je donijelo

R J E Š E N J E

1. Ocjenjuje se dopuštenom koncentracija koja ima utjecaj na tržište prodaje biorijentirane polipropilenske folije i plastičnih filmova u Bosni i Hercegovini, koja nastaje stjecanjem kontrole kupovanjem većine dionica od strane privrednih subjekata Intesa Sanpaolo S.p.A., Piazza San Carlo 156, 10121 Torino, Italija i Reno De Medici S.p.A., Via Durini 16/18, 20122 Milano, Italija u privrednom subjektu Manucor S.p.A., Via Brera 16, 20021 Milano, Italija.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i biće objavljeno u „Službenom glasniku BiH“, službenim glasnicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 07.08.2009. godine pod brojem 01-02-26-026-II/09 zaprimilo zajedničku Prijavu namjere koncentracije (u daljem tekstu: Prijava) po kojoj privredni subjekti Intesa Sanpaolo S.p.A., Piazza San Carlo 156, 10121 Torino, Italija i Reno De Medici S.p.A., Via Durini 16/18, 20122 Milano, Italija (u daljem tekstu: Intesa Sanpaolo i Reno De Medici ili Podnosioci prijave) namjeravaju steći kontrolu kupovinom većine dionica u privrednom subjektu Manucor S.p.A., Via Brera 16, 20021 Milano, Italija (u daljem tekstu: Manucor).

Prijava je podnesena putem advokata Branka Marića, Mehmeda Spahe 26, 71000 Sarajevo, Bosna i Hercegovina (punomoći izdane u Milanu od privrednog subjekta Intesa Sanpaolo dana 03. augusta 2009. godine i privrednog subjekta Reno De Medici dana 4. augusta 2009. godine).

Uvidom u podnesenu Prijavu utvrđeno je da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“, broj 95/06), te je u skladu sa članom 31. Zakona Konkurencijsko vijeće zatražilo dopunu iste (akt broj: 01-02-26-026-1-II/09 dana 10.08.2009. godine, akt broj: 01-02-26-026-3-II/09 dana 19.08.2009. godine i akt broj: 01-02-26-026-7-II/09 dana 06.10.2009. godine).

Podnosilac prijave je podnio, u smislu člana 31. stav (2) Zakona, zahtjev za produženje roka za kompletiranje Prijave (akt broj: 01-02-26-026-4-II/09 dana 27.08.2009. godine), koji je Konkurencijsko vijeće prihvatilo i u smislu člana 31. stav (2) Zakona, odobrilo dodatni rok za dostavu tražene dokumentacije (akt broj: 01-02-26-026-5-II/09 dana 08.09.2009. godine).

Prijava je dopunjena traženom dokumentacijom (akt broj: 01-02-26-026-2-II/09 dana 13.08.2009. godine, akt broj: 01-02-26-026-4-II/09 dana 27.08.2009. godine, akt broj: 01-02-26-026-6-II/09 dana 23.09.2009. godine i akt broj: 01-02-26-026-10-II/09 dana 12.10.2009. godine).

Po prijemu tražene dokumentacije Konkurencijsko vijeće je utvrdilo da je Prijava kompletna i dana 02.11.2009. godine izdalo Potvrdu o prijemu kompletne i uredne Prijave broj: 01-02-26-026-11-II/09, u skladu sa članom 30. stav (3) Zakona.

Podnosilac prijave je naveo da je podnio zahtjev za ocjenu koncentracije tijelima ovlaštenim za ocjenu koncentracije Evropske komisije, Albanije, Srbije i Ukrajine, u smislu člana 30. stav (2) Zakona.

Konkurencijsko vijeće u postupku ocjene dopuštenosti koncentracije je utvrdilo sljedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekti Intesa Sanpaolo S.p.A., Piazza San Carlo 156, 10121 Torino, Italija, Reno De Medici S.p.A., Via Durini 16/18, 20122 Milano, Italija i Manucor S.p.A., Via Brera 16, 20021 Milano, Italija.

1.1. Privredni subjekt Intesa Sanpaolo

Privredni subjekt Intesa Sanpaolo S.p.A., Piazza San Carlo 156, 10121 Torino, Italija je dioničko društvo upisano dana 05.01.2007. godine pod brojem 947156 u Registar preduzeća u Torinu.

Privredni subjekt Intesa Sanpaolo je društvo majka Intesa Sanpaolo Grupe koja pruža putem svojih subsidijarnih društava širok spektar bankarskih i finansijskih usluga fizičkim i pravnim licima, uglavnom u Italiji i Istočnoj i Centralnoj Evropi.

Pretežne registrovane djelatnosti privrednog subjekta Intesa Sanpaolo su prikupljanje štednje i kreditiranje u različitim oblicima, direktno ili preko kontrolisanih društava, sve bankarske operacije, finansijske usluge, uključujući i osnivanje i rukovođenje otvorenim i zatvorenim penzionim fondovima.

1.1.1. Povezana društva privrednog subjekta Intesa Sanpaolo u Bosni i Hercegovini

Privredni subjekt Intesa Sanpaolo u Bosni i Hercegovini u svom indirektnom vlasništvu ima većinske udjele u privrednim subjektima Intesa Sanpaolo Banka d.d. Sarajevo i Centurion Finansijske usluge d.o.o. Sarajevo.

Privredni subjekt Intesa Sanpaolo Banka d.d. Sarajevo, Obala Kulina Bana 9A, Sarajevo registrovan je u Općinskom sudu u Sarajevu dana 24.12.2008. godine pod brojem 1-4639 na osnovu Rješenja Komisije za vrijednosne papire FBiH broj 03/1-19-597/08.

Vlasničku strukturu Intesa Sanpaolo Banka d.d. Sarajevo čini privredni subjekt Intesa Sanpaolo Holding International S.A., Luxembourg sa 86,48%, a koji je u 100% vlasništvu privrednog subjekta Intesa Sanpaolo.

Pretežne registrovane djelatnost privrednog subjekta Intesa Sanpaolo Banka d.d. Sarajevo su obavljanje depozitnih, kreditnih i ostalih bankarskih i drugih finansijskih poslova u zemlji i sa inostranstvom, davanje i uzimanje svih vrsta kredita u zemlji i inostranstvu, finansijski lizing, davanje svih poslova novčanog jemstva kao i obavljanje drugih bankarskih i finansijskih poslova od interesa za banku i njene dioničare, odnosno klijente.

Privredni subjekt Centurion Finansijske usluge d.o.o. Sarajevo, društvo sa ograničenom odgovornošću za poslovanje sa novčanim karticama, Fra Anđela Zvizdovića 1., Sarajevo, registrovan je u Općinskom sudu u Sarajevu pod brojem 1-25274 .

Vlasničku strukturu privrednog subjekta Centurion Finansijske usluge d.o.o. Sarajevo čini privredni subjekt PBZ Card d.o.o. Zagreb sa 100% vlasničkog udjela, a koji je u 100% vlasništvu privrednog subjekta Privredna banka Zagreb d.d. koji je sa 76,59% u vlasništvu privrednog subjekta Intesa Sanpaolo Holding International S.A., a koji je u 100% vlasništvu učesnika koncentracije Intesa Sanpaolo.

Pretežne registrovane djelatnosti privrednog subjekta Centurion Finansijske usluge d.o.o. Sarajevo su finansijski lizing, finansijsko posredovanje, stvaranje novih nekretnina za prodaju i ostale poslovne djelatnosti.

1.2. Privredni subjekt Reno De Medici

Privredni subjekt Reno De Medici S.p.A., Via Durini 16/18, 20122 Milano, Italija je dioničko društvo registrovano dana 19.02.1996. godine pod brojem MI – 146-26581 u Privrednoj komori za industriju, zanatstvo i poljoprivredu u Milanu.

Pretežne registrovane djelatnosti privrednog subjekta Reno De Medici su industrijske, komercijalne i uslužne djelatnosti koje se odnose na papir i tehnike za izradu papira, uključujući i komplementarne i posredne procese proizvodnje.

Privredni subjekt Reno De Medici nema registrovanih privrednih subjekata u Bosni i Hercegovini.

1.3. Privredni subjekt Manucor

Privredni subjekt Manucor S.p.A., Via Brera 16, 20021 Milano, Italija je dioničko društvo registrovano dana 19.02.1996. godine u Privrednoj komori za industriju, zanatstvo i poljoprivredu u Milanu pod brojem MI – 143347.

Osnivački kapital privrednog subjekta Manucor čini (..)*¹KM ((..)*EUR) od čega ulog od nominalnih (..)*KM ((..)*EUR), koji čini (..)*redovnih dionica, ima privredni subjekt Equinox Management Company S.A., Luksemburg dok preostalih (..)*redovnih dionica koje predstavljaju preostalih nominalnih (..)*KM ((..)*EUR) osnivačkog kapitala posjeduju fizička lica Antonello Manuli, (..)*, Sandro Manuli, (..)*, Milano i Mario Manuli, (..)*.

Pretežne registrovane djelatnosti privrednog subjekta Manucor su prodaja plastičnih filmova za pakovanja u prehrambenoj i industrijskoj oblasti, prodaja biorijentirane polipropilenske folije, samoljepljivih traka za oblast površinskih zaštita kao i proizvodnja i prodaja materijala koji su komplemetarni ili povezani sa plastičnim filmovima.

¹ (..)* - podaci predstavljaju poslovnu tajnu

Privredni subjekt Manucor nema registrovanih privrednih subjekata u Bosni i Hercegovini ali je prisutan na tržištu putem direktne prodaje male količine biorijentirane polipropilenske folije.

2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila koncentraciji.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na osnovu podataka u Prijavi, na dan 31. decembar 2008. godine, su:

Tabela 1.

Ukupan prihod	Intesa Sanpaolo		Reno De Medici		Manucor	
	EUR (u milionima)	KM	EUR	KM	EUR	KM
Svijet	(..)*	(..)*	(..)*	(..)*	(..)*	(..)*
BiH	-	(..)**	-	-	(..)*	(..)*

*Ukupan godišnji prihod povezanih društava privrednog subjekta Intesa Sanpaolo u BiH od čega je

- privredni subjekt Centurion Finansijske usluge d.o.o. ostvario prihod od (..)*KM, a
- privredni subjekt Intesa Sanpaolo Banka d.d. prihod od (..)*KM

Budući da su učesnici koncentracije ispunili uslove u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) tačka a) Zakona, bili su obavezni podnijeti Prijavu.

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnika koncentracije, na svjetskom i na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“, broj 95/06).

3. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata (Službeni glasnik BiH“, broj 95/06).

4. Pravni osnov i oblik koncentracije

Pravni osnov predmetne koncentracije, propisan je članom 16. stav (1) Zakona, a u vezi s članom 30. stav (1) tačka a) Zakona i članom 8. tačka f) alineja 3. Odluke o načinu podnošenja prijave i kriterijumima za ocjenu koncentracija privrednih subjekata.

Pravni osnov koncentracije je Ugovor o ulaganju u dionice privrednog subjekta Manucor, zaključen dana 29.07.2009. godine u Milanu, između Podnosioca prijave, privrednih subjekata Antonello Manuli Finanziaria S.p.A., Via Vittor Pisani 22., Milano, Realmargi S.r.l., Via Vittor Pisani 22., Milano, i DAM

S.r.l. Corso General Govorno 18., Torino (koji zajedno čine „Societa' Famiglia Manuli“), a koji predstavljaju Nove dioničare sa jedne strane, privrednog subjekta Manucor i privrednog subjekta Equinox Investment Company S.A., Boulevard du Prince Henri 35., 1724 Luksemburg (u daljem tekstu: Equinox), fizičkih lica Antonella Manuli, Sandra Manuli, Maria Manuli s druge strane koji predstavljaju Stare dioničare.

Na osnovu Ugovora o ulaganju predviđeno je da će privredni subjekt Equinox prodati svojih (..)*dionica i to privrednim subjektima Reno De Medici (..)*dionica i Intesa Sanpaolo (..)*, a članovima koji čine „Societa' Famiglia Manuli po (..)* dionica.

Fizička lica Antonello Manuli, Sandro Manuli i Mario Manuli će prodati svojih (..)*dionica privrednom subjektu Intesa Sanpaolo.

Nadalje, Ugovorom o ulaganju je precizirano da se nakon kupovine cjelokupnog kapitala privrednog subjekta Manucor upiše povećanje kapitala čija će protuvrijednost iznositi maksimalno (..)*KM ((..)*EUR) i to emitovanjem dionica sa pravom glasa (dionice A) i dionice bez prava glasa (dionice B) od čega će biti emitovano (..)* KM ((..)*EUR) izdavanjem (..)*dionica A nominalne vrijednosti (..)*KM ((..)*EUR) po dionici sa dodatkom na cijenu od (..)*KM ((..)*EUR), a preostalih (..)*KM ((..)*EUR) izdavanjem (..)*dionica B nominalne vrijednosti (..)*KM ((..)*EUR) po dionici sa dodatkom na cijenu u iznosu od (..)* KM ((..)*EUR).

Kao rezultat povećanja kapitala ukupan kapital privrednog subjekta Manucor nakon provedene koncentracije bit će podijeljen kao u Tabeli 2.

Tabela 2.

Dioničar	Vrijednost kapitala prema kategoriji dionice				% kapitala prema kategoriji dionice	
	A		B		A	B
	EUR	KM	EUR	KM		
Reno De Medici	(..)*	(..)*			45,5	-
Intesa Sanpaolo	(..)*	(..)*	(..)*	(..)*	45,5	100
Antonello Manuli Finanziaria S.p.A	(..)*	(..)*			3	-
Realmargi S.r.l.	(..)*	(..)*			3	-
DAM S.r.l.	(..)*	(..)*			3	-
UKUPNO	(..)*	(..)*	(..)*	(..)*	100	100

Izvor: Tabela iz Ugovora o ulaganju od 29.jula 2009. godine, prilagođena

Pravni oblik koncentracije predstavlja sticanje kontrole (od strane privrednih subjekta Intesa Sanpaolo i Reno De Medici), nad drugim privrednim subjektom (nad privrednim subjektom Manucor), u skladu sa članom 12. stav (1) pod b) Zakona.

5. Relevantna tržišta koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Obzirom na navedeno, a na osnovu provedene analize relevantnog tržišta učesnika koncentracije Konkurencijsko vijeće je utvrdilo da je relevantno tržište proizvoda koncentracije tržište prodaje biorijentirane polipropilenske folije i plastičnih filmova .

Relevantnim tržištem u geografskom smislu smatra se tržište Bosne i Hercegovine.

Slijedom gore navedenog, relevantnim tržištem koncentracije smatra se tržište prodaje biorijentirane polipropilenske folije i plastičnih filmova u Bosni i Hercegovini.

6. Ocjena koncentracije

U skladu sa članom 17. Zakona, Konkurencijsko vijeće je razmotrilo sve relevantne činjenice, te utvrdilo da neće doći do promjene tržišnog udjela učesnika koncentracije obzirom da se radi samo o stjecanju kontrole kupovanjem većine dionica jednog od učesnika koncentracije koji u Bosni i Hercegovini već ima tržišni udio manji od 0,1%, te da predmetna koncentracija ne može imati za posljedicu sprečavanje, ograničavanje niti narušavanje postojeće tržišne konkurencije na relevantnom tržištu prodaje biorijentirane polipropilenske folije i plastičnih filmova u Bosni i Hercegovini.

Uzimajući u obzir sve iznesene činjenice i podatke koji su prethodili donošenju predmetnog Rješenja, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je navedeno u dispozitivu ovoga Rješenja.

7. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem („Službeni glasnik BiH“, broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednik

dr. Stjepo Pranjić